



Inatsisartuni ilaasortaq Justus Hansen, Demokraatit
/her

**Ineqarnermut akiliutit pillugit § 37 naapertorlugu apeqquteqaammut 2019-119-
imut akissut**

05-03-2019
Suliaq nr.: 2019 - 5700
Id nr. 38842530

Asasara Justus

Inatsisartut suleriaasianni § 37 naapertorlugu Naalakkersuisunut apeqquteqaateqarputit.
Apeqqutit uannit akineqartussatut innersuunneqarpoq. Apeqqutit matuma kinguliani
allanneqarpoq, akissummillu malitseqarluni.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Apeqqut 1:

**Naalakkersuisut siunertarinerlugu UKA2016/60-mi Inatsisartut aalajangiinerat
malissallugu attartornermut akiliutip siunissami qaammatip naanerani ullormi
kingullermi akilernerqartalersillugu? Taamaassimappat tusarusuppara tamatumap
qaqugu pisalernissaa Naalakkersuisut naatsorsuutigineraat.**

Akissut:

Ineqarnermut Naalakkersuisup siusinnerusukkut allakkamini, 7. november 2017-
imeersumi 2016-imi ukiakkut ataatsimiinnermi Inatsisartut aalajangiinerat nr. 60
attartortitsisarnermut inatsisip nutaap saqqummiunneqarneranut atatillugu
ilanngunneqassasoq ilisimatinneqarputit.

"Namminersorlutik Oqartussat inissiaataasa kommunitun tunniunneqarnissaat" pillugu
suleqatigiissitap inassuteqaatai naammasseriarpata, attartortitsisarnermut inatsisip
nutaap saqqummiunneqarnissaa naatsorsuutigineqarpoq.

Attartortitsisarnermut inatsisip nutaap kommunit qanimut suleqatigalugit
suliarineqarnissaa Naalakkersuisut pingaartippaat, ineqarnermut
aaqqissuusseqqinnermi tamarmiusumi Namminersorlutik Oqartussat inissiaataat
kommunitit tiguneqarnissaat siunnerfigineqarmat. Attartortitsisarnermut inatsit
siusinnerpaamik 2020-mi upernaakkut ataatsimiinnermi saqqummiunneqarnissaa
naatsorsuutigineqarpoq.

Neriuppunga qulaani allaqqasuni apeqquteqaatit akineqartoq.

Inussiarnersumik inuulluaqqusillunga

Karl Frederik Danielsen